



Na osnovu člana 65. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, broj 79/14, 81/15 i 97/15) i člana 55. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, broj 58/14, 88/15 i 96/15), Zajednička komisija za evropske integracije je na 25. sjednici, održanoj 15.1.2018., utvrdila

PLAN RADA ZAJEDNIČKE KOMISIJE ZA EVROPSKE INTEGRACIJE ZA 2018. GODINU

UVOD

Djelokrug i ciljevi rada Zajedničke komisije za evropske integracije (u daljnjem tekstu: Komisija) određeni su članom 52. Poslovnika Doma naroda („Službeni glasnik BiH“, broj 58/14, 88/15 i 96/15) i članom 62. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, broj 79/14, 81/15 i 97/15).

(1) Zajednička komisija za evropske integracije razmatra pitanja koja se odnose na:

- rasprave o općim pitanjima koja se odnose na evropske integracije;
- praćenje izvršavanja prava i obaveza BiH proizašlih iz međunarodnih ugovora koji se odnose na Vijeće Evrope;
- koordiniranje rada komisija Parlamentarne skupštine BiH u vezi s evropskim integracijama i dostavljanje mišljenja, preporuka i upozorenja tim komisijama;
- analiziranje posljedica integracijske strategije za BiH i pripremanje sveobuhvatnih izvještaja;
- razmatranje planova, programa, izvještaja i informacija o Procesu stabilizacije i pridruživanja EU;

- praćenje realizacije strategije pridruživanja, pokretanje inicijative za ubrzanje realizacije strategije pridruživanja u okviru nadležnosti Parlamentarne skupštine BiH;
- nadziranje usklađivanja zakona Bosne i Hercegovine s pravnom tečevinom EU (acquis) kada Komisija stekne uslove za to;
- saradnju sa institucijama u Bosni i Hercegovini (posebno s Direkcijom za evropske integracije), institucijama EU i drugih zemalja u vezi s pitanjima integracije;
- organiziranje prezentacije istraživanja javnog mišljenja o pitanjima integracije, te nadziranje korištenja dodijeljenih sredstava EU;
- održavanje javnog saslušanja u vezi s pitanjima evropskih integracija radi prikupljanja mišljenja i stavova predstavnika civilnog društva, nevladinih organizacija, intelektualaca, kao i vladinih i nevladinih eksperata u određenim oblastima.

(2) Zajednička komisija razmatra i druga pitanja koja su u vezi s evropskim integracijama.

Imajući u vidu utvrđeni djelokrug i ciljeve rada, Plan rada Komisije za 2018. godinu značajno određuju i sljedeći dokumenti:

- Sporazum o stabilizaciji i pridruživanju koji je potpisan 16.7.2008., ratificiran u svim zemljama članicama EU, a koji je stupio na snagu u junu 2015. godine;

- Reformska agenda za Bosnu i Hercegovinu za period 2015. - 2018. godina i Akcioni plan za realizaciju Reformske agende na nivou Vijeća ministara BiH;

- Izvještaj o Bosni i Hercegovini za 2017. godinu. Treba istaći da je Zajednička komisija za evropske integracije u dosadašnjim aktivnostima uvijek razmatrala izvještaje o napretku, te donosila određene zaključke;

- Akcioni plan za realizaciju prioriteta iz Izvještaja o Bosni i Hercegovini za 2017. godinu;

- Upitnik Evropske komisije koji je dostavljen institucijama Bosne i Hercegovine 9. decembra 2016. godine.

PLAN RADA

JANUAR – MART

- Priprema i usvajanje Orijentacionog plana rada Komisije za 2018. godinu;
- Razmatranje Izvještaja o radu Komisije za 2017. godinu;
- Razmatranje Izvještaja Vijeća ministara BiH za 2017. godinu;
- Razmatranje Izvještaja Direkcije za evropske integracije za 2017. godinu;
- Priprema i učešće na 11. sastanku Parlamentarnog foruma za evropske integracije BiH u Brčko Distriktu;
- Priprema i održavanje okruglog stola u organizaciji Zajedničke komisije za evropske integracije Parlamentarne skupštine BiH u vezi sa svim aspektima procesa evropskog integriranja u svjetlu stupanja na snagu Sporazuma o stabilizaciji i pridruživanju;
- Razmatranje izvještaja sa sastanaka Vijeća za stabilizaciju i pridruživanje uspostavljenog prema odredbama čl. 115. i 116. Sporazuma o stabilizaciji i pridruživanju;
- Razmatranje izvještaja sa sastanaka Odbora za stabilizaciju i pridruživanje i pododbora uspostavljenih prema odredbama čl. 118. i 119. Sporazuma o stabilizaciji i pridruživanju;
- Učešće na 13. sastanku Konferencije parlamentarnih komisija za evropske integracije parlamenata zemalja obuhvaćenih Procesom stabilizacije i pridruživanja Jugoistočne Evrope – COSAP, Skoplje, Makedonija;
- Razmatranje izvještaja, informacija i drugih akata upućenih od ovlaštenih predlagača i dostavljanje mišljenja i izvještaja Predstavničkom domu i Domu naroda Parlamentarne skupštine BiH;
- Razmatranje Izvještaja o stanju provođenja obaveza iz Sporazuma o stabilizaciji i pridruživanju i ostalih aktivnosti na putu Bosne i Hercegovine prema članstvu u EU;
- Organiziranje sastanka s članovima Komisije za evropske poslove i nadzor evropskih fondova Narodne skupštine Republike Bugarske;
- Razmatranje informacije o funkcioniranju mehanizma koordinacije u procesu integriranja Bosne i Hercegovine u EU.

APRIL - JUNI

- Razmatranje izvještaja, informacija i drugih akata upućenih od ovlaštenih predlagača i dostavljanje mišljenja i izvještaja Predstavničkom domu i Domu naroda Parlamentarne skupštine BiH;
- Razmatranje informacija u vezi sa Strateškim dokumentom za BiH za IPA II;
- Razmatranje izvještaja sa sastanaka Vijeća za stabilizaciju i pridruživanje uspostavljenog prema odredbama čl. 115. i 116. Sporazuma o stabilizaciji i pridruživanju;
- Razmatranje izvještaja sa sastanaka Odbora za stabilizaciju i pridruživanje i pododbora uspostavljenih prema odredbama čl. 118. i 119. Sporazuma o stabilizaciji i pridruživanju;
- Priprema i učešće na 12. sastanku Parlamentarnog foruma za evropske integracije BiH u Sarajevu;
- Razmatranje Izvještaja o stanju provođenja obaveza iz Sporazuma o stabilizaciji i pridruživanju i ostalih aktivnosti na kretanju Bosne i Hercegovine prema članstvu u EU.

JULI - SEPTEMBAR

- Analiza aktivnosti u vezi sa izradom Programa integriranja;
- Razmatranje Informacije o funkcioniranju mehanizma koordinacije u procesu integriranja Bosne i Hercegovine u EU i mogućim poboljšanjima u samom procesu koordinacije;
- Priprema i učešće na 13. sastanku Parlamentarnog foruma za evropske integracije BiH u Banja Luci;
- Organiziranje sastanka s članovima srodne komisije Parlamenta Republike Austrije;
- Razmatranje izvještaja sa sastanaka Vijeća za stabilizaciju i pridruživanje uspostavljenog prema odredbama čl. 115. i 116. Sporazuma o stabilizaciji i pridruživanju;
- Razmatranje izvještaja sa sastanaka Odbora za stabilizaciju i pridruživanje i pododbora uspostavljenih prema odredbama čl. 118. i 119. Sporazuma o stabilizaciji i pridruživanju.

OSTALE AKTIVNOSTI

- Razmatranje dokumenata usvojenih u Evropskom parlamentu koji se odnose na Bosnu i Hercegovinu;
- Razmatranje Izvještaja o stanju provođenja obaveza koje proističu iz Sporazuma o stabilizaciji i pridruživanju i ostalih aktivnosti na putu Bosne i Hercegovine prema članstvu u EU;
- Organiziranje sastanaka sa šefom Delegacije EU i specijalnim predstavnikom EU ambasadorom Larsom-Gunnarom Wigemarkom;
- Organiziranje sastanaka s komisijama za evropske integracije zemalja obuhvaćenih procesom stabilizacije i pridruživanja;
- Organiziranje sastanka s članovima Odbora za evropske poslove Hrvatskog sabora;
- Organiziranje javnih saslušanja u vezi s problemima koji se javljaju na putu evropskog integriranja Bosne i Hercegovine;
- Održavanje tematske sjednice o ekonomskim i socijalnim perspektivama BiH;
- Uspostavljanje saradnje i organiziranje sastanaka s Komisijom za pitanja Evropske unije Bundestaga;
- Uzvratna posjeta Odboru za evropske integracije Narodne skupštine Republike Srbije;
- Organiziranje tematske sjednice o borbi protiv korupcije u BiH;
- Organiziranje sastanka s članovima Odbora za evropske integracije Parlamenta Makedonije;
- Organiziranje sastanka s članovima Odbora za međunarodne odnose i evropske integracije Skupštine Crne Gore;
- Aktivnosti koje će se planirati i realizirati u saradnji s Misijom OSCE-a,
- Organiziranje tematske sjednice o reformi obrazovanja u BiH.

ZAVRŠNE NAPOMENE

Sadržaj rada i rokovi u ovom planu postavljeni su okvirno. Realno je očekivati korekcije zbog neophodnog usklađivanja s aktivnostima drugih relevantnih tijela i institucija. Moguće je očekivati i aktivnosti koje nisu predviđene, a mogu biti uvrštene u Plan rada Komisije zbog značaja i hitnosti razmatranja.

Treba imati u vidu da je kontinuirana aktivnost Komisije praćenje, analiza i nadgledanje aktivnosti svih relevantnih institucija u procesu pridruživanja EU.

S ciljem blagovremenog ispunjavanja planiranih aktivnosti, Komisija će, između ostalog:

- osigurati kontinuitet redovnog održavanja sjednica;
- osigurati kontinuitet redovnog održavanja sastanaka Parlamentarnog foruma za evropske integracije BiH;
- osigurati kontinuitet redovnog održavanja okruglih stolova u vezi sa svim aspektima procesa evropskog integriranja u svjetlu stupanja na snagu Sporazuma o stabilizaciji i pridruživanju;
- osnivati potkomisije ili radne grupe kada to bude svrsishodno;
- unaprijediti funkciju nadzora Komisije u skladu s njenim nadležnostima;
- unaprijediti informativnu aktivnost Komisije;
- pojedinačno angažirati članove Komisije;
- saradivati s drugim nadležnim tijelima i institucijama BiH i međunarodne zajednice;
- saradivati sa srodnim komisijama parlamenata u regionu.

Predsjedavajući
Zajedničke komisije
Nikola Lovrinović